

اسم الله الفتح | الحلقة (20) | #إنا_فتحنا_لك | د. حازم

شومان

حازم شومان

تجلت في الوري فاهتف بها واجعل لقلبك انا فتحنا والفتوح ميسرة اسماؤه الحسنى تجلت في الوريا السلام عليكم ورحمة الله وبركاته. اخواني واحبابي في الله لا زلنا في ظلال اسم الله الفتح لا زلنا مع انا فتحنا لك لا زلنا مع هذا الاسم. اللي احنا محتاجينه الايام دي قوي. كل الناس حاسة انها مخنوقة. كل الناس - 00:00:00

انها مقفولة. كل الناس حاسة انها محتاجة الفرج. محتاجة باب يتفتح لها. محتاجة تحس بالامل ان ربنا يقدر يفتح لها. وان ربنا يقدر يفرجها عليها. ربنا سمى نفسه الفتح عشان ربنا يطمئن قلبك. ان مهما ضاقت ربنا قادر انه هيفتح عليك. عشان كده اسم الله الفتح - 00:00:50

يا شباب اسم الله الفتح. اسم بيطمئنك اوي. بيطمئنك. بيطمئنك ليه؟ لان تخيل كده لو انت شغال في شركة لها عشر ملاك. كل واحد له غير الثاني. كل واحد منهم له طلبات غير الثاني. كل واحد منهم بيحاسبك على حاجة غير الثاني. ده كانوا يجننوك. في الاخر انما ان جميع مفاتيح ابواب السماوات - 00:01:10

الارض ربنا ما حطهاش في ايد حد غيره سبحانه وتعالى. فانت بتتعامل مع الله وحده لان هو الفتح. ما فيش اي حد ثاني غير ربنا ومفاتيح رزقك ولا مستقبلك ولا في ايده مفاتيح اي مصلحة من مصالحك اسم الله الفتح اسم بيحبك في ربنا. ان ربنا بيقول لك انا فاتح لك بابي - 00:01:30

النهار الوحيد اللي فاتح لك بابه ليل نهار. الوحيد اللي بيفرح لما تخبط على بابه. الناس لما تخبط على بابها يقفلوا بابهم في وشك الناس لما تتصل على الموبايل بتاعها كتير ممكن يعملوا خاصية اصلا عدم الازعاج معك. وممكن ما يردوش عليك. كل الناس بتقفل الابواب في وش بعض - 00:01:50

ربنا بيفتح لك الابواب كلها اللي بينك وبينه. اسم الله الفتح. اسم الله الفتح بيطمئنك اوي. بيطمئنك اوي ويعلق قلبك بربنا اوي ريح قلبك اوي. اسم قمة الراحة النفسية. اسم ضد الاكتئاب. ضد التوتر. ضد الهلع ضد الفزع. ضد كل الامراض - 00:02:09 النفسية اسم جميل لما كنت خارج من آآ من المستشفى كنت يعني قلبي تعبان شوية نسأل الله العافية. فخارج من المستشفى فكان عندي بيحي لي نوبات وتوبة في الضغط آآ احس ان انا هاقع من طولي من كتر ما الضغط وطى وما اناش عارف في ايه بقى والواحد خارج تعبان اصلا خالص يعني الحمد لله. والشكر لله. فكلمت احد - 00:02:29

يعني الاساتذة فقلت له انا مش عارف ما لي وانا تعبان. فقال لي بص اعمل كذا وخد بالك انا فاتح تليفوني طول الليل اي وقت تتعب فيه اتصل بي على طول. الكلمة دي طمنتني اطمئنان. سبحان الله العزيم كلمة انا فاتح - 00:02:51 تليفون طول الليل قلت سبحان الله! وفعلنا لو اتصلت به في اي وقت الاقيه يرد علي فقلت سبحان الله! سبحان الله الفتح اللي فاتح بابه ليل نهار. اللي فاتح الصلة بينك وبينه ليل نهار. اطمئن - 00:03:11

اسم الله الفتح. اسم بيطمعك في ربنا اوي بيطمعك في ربنا. اصل ربنا لما بيفتح بيفتح اصل ربنا لما بيدي بيدي هو الناس كلها طمعانة في الفتح ليه؟ لان الفتح ده نقلة درامية في حياتك بفتح الله سبحانه وتعالى اسم بيحررك - 00:03:24 من سجن الخوف اللي انت محبوس جواه. بيحررك من سجن الوهم اللي انت محبوس جواه. ياما ناس يا جماعة محبوسة جوة

اوهممة. محبوسة جوة خوفها. محبوسة جوة مرض شلل حياتها وقافل عليها الجدران. حواليتها من غير ما يبقى فيه جدران مادية.

ولكن جدران معنوية اللي يقدر يفتح لك فرجة ويفتح - [00:03:41](#)

خليك فتح مهما كانت الدنيا مقفلة زي الثلاثة والصخرة اتقفل عليهم الصخرة لا فيه بلوتوس ولا فيه موبايل ولا فيه لاسلكي ولا فيه اس ام اس مين اللي خرجته؟ الفتح. لما توسلوا للفتح الفتح فتح الصخرة. كلنا رابعهم. كلنا قدامنا صخور في حياتنا. مين اللي يشيل

- [00:04:01](#)

الصخور ومين اللي يفرج كربنا الفتح؟ اللي فتح لهم الصخرة هو اللي يفتح لنا الصخرة. لما نقف على بابك يا رب. على بابك يا رب. افتح لنا يا رب. افتح لنا. محتاجين الاسم ده قوي. اسم الله الفتح هتحتاجه في لحظتين. اللحظة الاولانية لو السكك وصلت

لاخرها معك - [00:04:21](#)

لو الطريق اللي انت ماشي فيه جاب اخره خلاص جبت اخر العلاقة بينك وبين مراتك خلاص جوزك انتهت خلاص بيتك بينهاره قدام

عينيك. خلاص الديون هتتحبس. هتروح فين؟ خلاص الشغل انهار. انتهت خلاص - [00:04:42](#)

تدفع ايجار وتدفع رواتب موزفين وخلاص وشهر ورا شهر. انتهت خلاص الدنيا قفلت. لما السكة تجيب اخرها هتحتاج الفتح عشان يفتح لك في اللحظة دي. واللحظة الثانية اللي هتحتاج فيها الفتح لو داخل بقى سكة جديدة. يعني المعنى الاولاني لو الموضوع وصل

للنهاية. المعنى الثاني لو الموضوع - [00:04:57](#)

لسه في البداية مشروع جديد خريج جديد ملتزم جديد داخل في طلب علم جديد بدأه تحفظي قرآن جديد داخل على جواز جديد داخل على فتح بيت جديد. داخل في كلية جديدة. داخل في داخل في حاجة جديدة في اي حاجة في حياتك. محتاج - [00:05:17](#) الفتح يسر لك الطريق. يمهّد لك الطريق يفتح عليك الطريق يزل لك العقبات اللي في الطريق طب وفي نص الطريق لو حد وقف لك وشه في وشي بقى لو ما هو دي ربنا افتح بيننا وبين قومنا بالحق. يعني افتح بيننا وبين قومنا. اهل الباطل جم زي عربية جت في

وش عربية يا انا اعدي يا هو يعدي. لازم حد - [00:05:36](#)

عشان الثاني يعدي. يا رب اهل الباطل جايين لنا وش في وش يا رب شلهم من طريقنا. لما اهل الباطل يبجوا في وش اهل الحق مش

هتعدوا. اعرف ان ربنا هيزيح الباطل. لانهم حطوا نفسهم في المكان اللي ربنا مش هيسيب الباطل - [00:05:57](#)

فيه ابدأ لما خلاص سدوا عليك الطريق بيشدوك لورا. يبقى انت انت فاهمة معنى الكلام ده ايه معنى الكلام ده انك محتاجة الفتح من البداية للنهاية من اول خطوة في كل طريق لاخر خطوة في كل طريق. يعني الفتح معك في بداية كل طريق لنهاية كل طريق. يعني

انت محتاج الفتاك - [00:06:13](#)

من البداية للنهاية محتاجه. محتاجه عشان كده امتي الرسول قال يا فتاح؟ امتي عليه الصلاة والسلام مع كل طلعة نهار ومع كل دخلة

ليل؟ كان رسول الله صلى الله عليه وسلم في الحديس الحسن كان يقول اللهم اني - [00:06:35](#)

الحديس ده انا باحبه اوي. وباحرص ان انا اقله في اذكرك الصباح والمساء. اللهم اني اسألك خير هذا اليوم فتحه ونصره ونوره

وبركته وهده، واعوذ بك من شر ما فيه وشر ما بعده. اللهم اني اسألك خير هذا اليوم - [00:06:50](#)

فتحته يا رب النبي عليه الصلاة والسلام مع كل طلعة نهار كان بيقول فتحك يا فتاح مع كل دخلة ليل كان بيقول افتحها علينا يا رب.

يعني انت محتاج الفتح كل طلعة نهار وكل دخلة ليل. في كل مرة النبي عليه الصلاة والسلام كان يقول - [00:07:10](#)

كل صواحب الحجرات. امهات المؤمنين ماذا انزل الليلة من الخزائن. الخزائن بتتفتح. الفتح بيتجلى على عبادته. في التلت الاخير من

الليل الفتح بيتجلى على عبادته. في النص ساعة اللي قبل الفجر ما تضيعهاش ابدأ يا جماعة. عشان كده امتي الرسول عليه الصلاة

والسلام كان بيقول يا فتاح - [00:07:27](#)

مع كل دخلة جامع. هو داخل المسجد كان يقول اللهم اغفر لي ذنوبي وافتح لي ابواب رحمتك افتح لي يا رب بعد كل دخلة جامع

افتكر الفتح. مع كل طلعة نهار افتكري الفتح. مع كل دخلة ليل افتكر الفتح - [00:07:47](#)

مع كل سحر اعلی ونص ساعة قبل الفجر. افتكر الفتح النبي عليه الصلاة والسلام علمنا ان اسم الفتح ده ترتبط به ليل نهار. عشان

كده من المعاني الجبارة القرآن الكريم ان اول سورة في القرآن سورة ايه؟ الفاتحة. يعني ايه سورة الفاتحة؟ كان ربنا سبحانه وتعالى من اولها بيقول لك انا اريد ان انا افتح عليك - 00:08:06

تخلوا طالب دخل كلية جديدة دخل كلية هندسة واول محاضرة وماسك بقى الايه الورق والقلم بقى ومستني بقى انه يكتب المعلومات البسيطة اللي هيبدأوا يترجموا لنا ترجموا لهم المصطلحات الهندسية لقي آ استاز بروفيسير داخل بدل ما يكتب معلومات بسيطة بدأ يكلمهم عن جائزة نوبل وازاي تفوز بجائزة نوبل - 00:08:26

الهندسة وازاي يا دكتور انت حضرتك بتكلمني عن حاجات كبيرة اوي يا ابني انا لسة ما بدأتش اشرح انا انا عايزك تبقى فتح انا مش عايزك تبقى مهندس عادي. انا عايزك يبقى هدفك من اول محاضرة انك تاخذ نوبل. اهو ده سورة الفاتحة ان ربنا من اولها يطعمك في الفتوحات اللي فتحها على - 00:08:46

الاولياء الصالحين كأن ربنا من اول خطوة في طريق ربنا. بيقول لك انا اريدك فتح انا اريد ان انا افتح عليك. طيب عشان اخذ الفتوحات دي الحل ايه؟ الفاتحة مش الحل لمجهود مش الحل التخطيط مش الحل للدماغ ياما ناس تايهة في حياتها بسبب دماغها اصلا ياما ناس مشكلتها في حياتها هي تخطيطها - 00:09:07

اذا لم يكن من الله عون للفتى فاوّل ما يجني عليه اجتهداه. اكثر بيت شعر بيرعيني طول عمري واذا لم يكن من الله عون للفتى فاوّل ما يجني عليه اجتهداه. من غير الفتح راجل اعمال راجل اعمال غني جدا - 00:09:28
راجل اعمال عربي قعد يضرب ويقسم ويطرح وحسبها كده. يا عم انا عايش في بلدي قافل في البلد اللي انا عايش فيها. انا عندي مصانع او عندي شركات وعندي اراضي - 00:09:46

عندي فلوس انا الفلوس دي كلها لو بعثتها وسيلتها وحطيتها في بنك في اوروبا. والبنك ده هناك هيديني نسبة قرب العشرين في فوايد ربوية! انا لو خدت العشرين في المية دي اللي الناس بتسميها فوايد يعني الا من رحم الله! ده انا عايش مم ده انا عايش باشا! ده انا عايش - 00:09:56

زمانى باسبع كل حاجة وطالع على هناك. ولكن المشكلة ان المبلغ كبير اوي اوي اوي مئآت الملايين. طب انا هاحط المبلغ ده ازاى فكان لازم يخلص وسيقة معينة. طب اما يخلص الوسيقة لازم الفلوس دي ما تبقاش في حيازته في ملكيته. اما يخلص الوسيقة دي فحد سقة قوي قوي - 00:10:16

اوي قريب منه انا هكتب بس الحاجة باسمك لمدة ساعات وبعد كده اخلص الوسيقة وينفع ان انا اقدم للبنك فائتمنه عليها. ثاني يوم بيتصل به عشان يغيروا الاسم قال له حضرتك مين؟ انا ما اعرفكش اصلا. شقى عمره كله راح في لحزة مش في حساباتك - 00:10:36

ومال ربنا سمى نفسه الحسيب ليه؟ عشان انت حساباتك غلط اصلا. عشان انت لو حسبتها لنفسك انت هتضيع نفسك هو ربنا حسبها لك سبحانه وتعالى في اول سورة في القرآن اسمها الفاتحة عشان ربنا يقول لك - 00:10:54

ان نجاحك مرتبط ان ربنا يفتح لك. اوعى قلبك يتعلق ان نجاحك مرتبط بتخطيطك ومجهودك وزكائك. وعبريتك وامكانياتك نجاحك مرتبط ان الفتح يفتح لك الاول. لو فتح لك ساعتها كل الاسباب هتبقى بازن الله سبحانه وتعالى توصلك - 00:11:08
فتحي الفتح ان احنا نعرف احنا محتاجين الفتح قد ايه. انت عارفة انت محتاجة الفتح قد ايه انت عارف انت محتاج الفتح في ايه؟ انت محتاج الفتح في كل لحظة في عمرك. انت محتاج الفتح اول ما بتموت. ما هو اول ما الانسان روحه بياخذها ملك الموت وتأخذها منه الملائكة - 00:11:28

ملائكة الرحمة وملائكة العذاب تصعد بها الى السماء. قال الله عز وجل لا تفتح لهم ابواب السماء. يبقى انت محتاج الفتح يفتح لك ابواب السما عشان نروح تطلع للسماء السابعة واول مرة تسمع كلام الله سبحانه وتعالى ايتها الروح الطيبة - 00:11:43
تخيل انت محتاج الفتح في اللحزة دي. انه يفتح لك ابواب السما. طب روحك نزلت القبر بقى. وهتبدأ بقى تتسأل سؤال الملكين. فيقال افتحوا له باب الى الجنة. محتاج الفتح في القبر يفتح لك باب للجنة. يفتح لك باب سبحانه وتعالى باب تشوف فيه النعيم

بتاعك في الجنة - 00:11:59

وخذ بالك ومحتاج الفتحاح في القبر يقفل باب النار اللي بيتفتح عليك. هذا كان مقامك في النار لو كنت عصيت الله. طب هو الفتحاح

اللي بيفتح هو الفتحاح اللي بيقل - 00:12:19

يا جماعة ما اي باب عشان يتفتح. او يتقفل محتاج مفتاح. هو الباب بيتفتح بالمفتاح وبيتقفل بالمفتاح. فالفتحاح اللي بيفتح لك ابواب

الخير اللي بيقل عنك ابواب الشر. فانت محتاج الفتحاح في القبر - 00:12:29

محتاج الفتحاح يوم القيامة ربنا سبحانه وتعالى يفتح لك ابواب الجنة التمانية. الفتحاح لو تجلى عليك وانت واقف على باب الجنة.

وفتح لك باب بفتح وبكرم وابواب الجنة التمانية وفتحت ابوابها. وفي قراءة عشرية وفتحت ابوابها. ابواب الجنة - 00:12:44

التمانية تتفتح لك. انت محتاج الفتحاح يوم القيامة. محتاج الفتحاح في القبر. محتاج الفتحاح بعد موتك. محتاج انت محتاج الفتحاح فيك كل لحزة في حياتك. محتاج الفتحاح في رزقك عشان يفتح لك ابواب الرزق. محتاج الفتحاح في دعوتك لو انت شغال في الدعوة او انت

شغالة في الدعوة. وانت مسلم. اذا انت داعية عشان يفتح - 00:13:04

كلماتك القلوب وابواب القلوب محتاج الفتحاح. محتاج الفتحاح في كل مشكلة وازمة عشان يفتح عليك بالحل قال الله عز وجل ما يفتح

الله للناس من رحمة فلا ممسك لها. الفتحاح لما بيفتح - 00:13:24

يقدر يفلها عليك الفتحاح فتح لك ابواب الدعوة. خل اللي عايز يوقفك يوقفك الفتحاح فتح لك ابواب الرزق خلي اللي عايز يحاربك

يحاربك. الفتحاح فتح لك ابواب القلوب خلي اللي عايز يشوه سمعتك يشوها. الفتحاح - 00:13:42

قلب زوجتك خلي اللي عايز يقلبها عليك يقلبها. الفتحاح فاتح لك قلب زوجك زوجك. خلي ملكات جمال العالم يراودوه عن نفسه. يا يا

جماعة لو الفتحاح فتحها لك ما حدش هيقدر يفلها عليك - 00:13:57

هو اللي لك سبحانه وتعالى اجر على الفتحاح اجري يا عبدالفتاح لما تضيق بك اجري على الفتحاح لما السكك تتسد. اجري على الفتحاح.

لما تحس انك ما انتاش عارف تعمل ايه. ونفسك في الفرج. رح للفتحاح - 00:14:12

يا اللي قلبكم حزين على مشكلة فلسطين. وحاسين انها كل يوم بتتقفل اكثر واكثر وبتبعد عن الفرج اكثر واكثر الفتحاح. اللي فتح للامة

الاسلامية زمان الفتوحات الاسلامية. وفتح عليها بالاكشافات العلمية وفتح ابواب مليارات - 00:14:27

البشر لدخول الاسلام في كل لغات العالم. الفتحاح هو اللي يقدر يفتح لنا ثاني. روحوا للفتحاح يا امة محمد. يا اللي ابنك عنده سرطان

الدكترة قالوا لك ما فيش خلاص ده اخر الطب جلسات الاشعاع وجلسات الكيماوي ما عدش عندنا حاجة ثانية رح للفتحاح. هو اللي

يقدر يفتح لك باب فرج - 00:14:42

يا اللي ابنك مريض يا اللي ابنك تعبك. يا اللي عندك مرض وما عدتش عارف تعمل ايه. يا اللي ديون الدنيا اثقلتك. رح للفتحاح. هو يقدر

يديك فرج رح للفتحاح. هو اللي يقدر يفتحها عليك - 00:15:02

وهو اللي يقدر يفرجي عليك. انت محتاج الفتحاح في كل لحزة في حياتك انت محتاج الفتحاح وانت بتطلب علم يفتح عليك بالفهم

محتاجة الفتحاح وانت بتحفظي القرآن يفتح عليك بالذاكرة. محتاج الفتحاح. نفسييتك محتاجة الفتحاح. يفتح عليها بالسكينة والاطمئنان.

بصيرتك محتاجة - 00:15:16

الفتحاح يفتح عليها بنور من عنده. قلبك محتاج الفتحاح يفتح عليه بحب الله وخشية الله. انت انت محتاجه في كل حاجة. محتاجه

يفتح لك في العلم وفي الدعوة وفي الايمان وفي اليقين وفي السكينة محتاجه يفتح عليك في الرزق وفي التوفيق محتاجه يفتح

لك قلوب ولادك وقلوب زوجتك وقلوب - 00:15:35

جيرانك وقلوب الناس اللي انت بتحبهم انت محتاجه اوي اوي اوي. لو عرفت انت محتاج الفتحاح قد ايه هتقول على بابك يا رب على

بابك ومش اياس من ان انا اطرق بابك ده انا ده انا لو محتاج دكتور وفي ازمة هتصل به الف مرة لحد ما يرد علي. واحد مغمى عليه

- 00:15:55

انا مغمى علي وبيتصلوا بالدكتور الحقنا هو لو ما ردش الف مرة هنخبط على بابيه. خبط على بابيه الف مرة خبط على بابيه خبط على

بابه الف ليلة قيام. انت زهقان ليه؟ هيفتح هيفتح. الفتح جاي جاي امال سمى نفسه الفتح. ليه سبحانه وتعالى - [00:16:14](#)
فتش عن الفتح في الماضي بتاعك فتشي عن الفتح في تاريخ حياتك فتش هتزهل ان حياتك من غير الفتح كان زمانها ضايعة
وتتخيل ساعتها من غير الفتح كانت الدنيا هتمشي ازاي؟ ما انساش يا جماعة مواقف كتير اوي مرت في حياة الواحد. الواحد حس
فيها باسم الفتح اوي - [00:16:32](#)

اوي سبحان الله وانا بمتحن ماجستير امراض الكلى وكان فيه لجنة هي اللجنة صعبة جدا جدا يعني ومليانة حاجات بقى وامتحان
في الاشعة الموجات اللي هي السونار وامتحان في حاجات معينة في اجهزة كده في رقبة العيان وامتحان. حاجات كتير ومعلومات
طبية. المهم ساعات الواحد بيغلق على ذهنه - [00:16:54](#)

كانك نسيت كل حاجة كانك يا جماعة سبحان الله الحاجات دي الواحد عملها قبل كده والحاجات دي الواحد فيها حاجات يعني
الواحد حس بالاغلاق. مش عارف اعمل ايه! زمايلي بيدخلوا قدامي. واحد ورا واحد بقى كده زي كل واحد يدخل ياخذ اللي في
النصيف ويخرج تاني. وعرفت ان انا داخل - [00:17:16](#)

يعني سبحان الله يعني كل الناس حلوة لاصعب حد في الدراسات العليا كلها. الاصعب حد في الدراسات العليا واقفين في المستشفى
بقى والمستشفى يعني طبعا الدنيا كانت مقلوبة بقى والكورونا وايام كورونا رحت - [00:17:33](#)

الواحدة نرس ممرضة قلت لها هاتي لي كده يعني مفرش آآ من اللي بيلبسوه جراحين في في اوضة العمليات بيبقى متعقم. ودخلت
في اوضة المستشفى ما فيش حد فيها وزبطتها على القبلة ووقفت اعيط للفتح - [00:17:46](#)

ووقفت اعيط له ما انا هروح فين! ما انا انا انا حسيت ان انا نسيت من الارهاق ومش عارفين ننام. وطبعا في امتحانات الدراسات
العليا بقى انت بتبقى اصل انت ممكن تقعد - [00:18:03](#)

بالتلاتين ساعة اصلا ما تنامش دقيقة. من كتر الضغط ومن كتر المسئوليات ومن كتر واقف اصلي واعيط اصلي وابكي اصلي
واستفتح والله العزيم يا جماعة انا دخلت اللجنة وييجوا يخبطوا علي الممرضات عرفوا ان انا في الاوضة. خلاص انت المفروض
تدخل - [00:18:13](#)

خلصت ودخلت والله كان الاجهزة بتتحرك لوحدها. امسك جهاز السونار. سبحان الله! من اول مرة يتحط على نقطة الخلل! بالزبط
اللي عند العيان القسطرة العنقية من اول مرة تقوم داخله في اللي هي بتاعة العيان. من اول مرة كان الاجهزة شغالة معك. كاني -

[00:18:31](#)

ربنا سبحانه وتعالى مسخر لك كل حاجة الفتح سبحانه وتعالى الفتح لما يفتح لك ما انساش مرة ومواقف موقفنا كلنا. المفروض انا
الوقتي لو اديتك ورقة وقلم قلت لك اكتب اللي في قلبك لربنا. المفروض ان انت جوة قلبك كتير اوي لربنا. لو قلت لك ايه تجارب
معاملتك لله المفروض انك - [00:18:51](#)

امال انت بتعامل مين؟ امال انت بتقف على باب مين؟ ما انت لو وقفت على باب هتشف تشوف الفتح ممكن يعمل لك ايه. كنت
مرة مديون في دين كبير وكان بقى يعني عايز ابقى في شقة مش ايجار مؤقت وكل شوية ننقل من مكان لمكان فشقة بقى وايه -

[00:19:08](#)

وقعدت سبع سنين يعني الجنيه على الجنيه عشان ندفع تمنها. جيت في الاخر مش قادر لازم مبلغ كبير. كبير مش صغير الواحد
استلفت مبلغ من حوالي ستة. ست افراد عشان اوزعه كل واحد سالف منه مبلغ يعني - [00:19:23](#)

جيم ميعاد السادات طب انا هعمل ايه بعث العربية سديت واحد بس واحد بس مات العربية سديت واحد. طب اعمل ايه في الخمسة
الباقين وخلاص بدأت بقى انزل وادور على مكان تاني يعني اقل من المكان اللي انا ساكن فيه عشان ابيع الشقة ديت واسد الدين

وانا مش هسيب نفسي عندي حاجة وانا مديون لحد - [00:19:38](#)

فسبحان الله! فجيت يعني وقت العصر كده قلت سبحان الله! طب ما تلجأ للفتح تتوضأ وتقوم تصلي ركعتين نقف بين ايدين الفتح
هو اللي يقدر يفرجها عليك وقفت اصلي ركعتين يا جماعة وقعدت ادعي ربنا سبحانه وتعالى والله العزيم انا ما نمت ليلتها وعلي

شلن. الخمسة اللي كنت مديون لهم - 00:19:56

كل واحد قصة عشان ربنا يؤدي عني. وعشان ربنا يسد عني. سبحان الله العظيم انا وانا نايم ساعتها ايه ده! يا رب ركعتين! هو الفتح ممكن يفتح عليك ويغير لك حياتك. ويغير لك واقعلك بركعتين! جربت ولا - 00:20:17

ولا لأ؟ جربت ركعتين دول؟ كم مرة جربتكم؟ كم مرة جربت انك انت تبقى جاي ترفع ايدك وانت زهقان وتعبان ومقزوم

تلاقي فجأة الفتح فتح على قلبك وتلاقي الدعاء - 00:20:34

على لسانك وتلاقي الدموع عبدالفتاح فتح عينيك للدموع. والفتاح فتح صدرك كل الهم اللي جواه طلع. وكل الكلام اللي محبوس في لسانك ولدت نفسك بتدعي وتدعي. والفتاح فتح على قلبك وحاسة بجلاله. تبقى انت بعد ما دعيت والله العزيم خلصانة. اقسم بالله

الدعاء ده ما فتح - 00:20:47

علي به الفتح غير لانه يريد انه يفتح لي ابواب الرزق. مش هو ده الحديس المروي عن النبي عليه الصلاة والسلام من فتح له باب

الدعاء. هو الدعاء فتح فقد فتحت له ابواب الرحمة. كلمة يا رب دي فتح - 00:21:07

لما الفتح يفتح بكلمة يا رب خلاص يبقى ابواب الخزانة تفتح. يبقى ابواب كل حاجة هتفتح من الفتح سبحانه وتعالى الواحد جربت كم مرة؟ كم مرة جربت انك تبقى داخل مسلا تقنع حد بموضوع ولا تقنع والدك بانه يجوزك ولا تقنعي والدك بلبس النقاب -

00:21:23

وتقومي مصلية ركعتين او ربنا يفتح على لسانك بكلمة تدخل في قلبهم على طول تلاقي الموضوع خلص. والناس اقتنعت والدنيا

مشيت زي ما انت عايز. كم مرة كم مرة كانت هتضيع والفتاح نجدك كم مرة نسيت - 00:21:43

اوعى تنسى اوعى تنسى اوعى تنسى لما كانت ديونك هتضيع والفتاح نجدك اوعى تنسى لما كان خلاص ولادك بيضيعوا والعلاقة

بينك وبينهم بتتدمر. اوعى تنسى لما كان والدك خلاص غضبان عليك والفتاح نجدك. اوعى تنسى لما - 00:21:58

احاط بك. اوعى تنسى لما كان علاقتك بمراتك هتنتهي. اوعى تنسى لما كان بيتك هيخرب. اوعى تنسى لما كان شغلك هيضيع. اوعى

تنسى. لما الدكاترة قالوا لك ده اخر الطب اوعى تنسى اتحلت ازاي - 00:22:13

اتفرجت ازاي؟ حلها ازاي؟ رحمك ازاي؟ اوعى تنسى اوعى تنسى الفتح عمل لك ايه لانيك لو نسيت فعلا هتبقى خسران كثير اوي

خلصانة. مع الفتح خلصانة. بس لو انت عرفت تقف على باب الفتح سبحانه وتعالى. وعرفت فتش عن الفتح في - 00:22:26

بتاعك افتكري بس كده. افتكري الفتح عمل لك ايه. افتكري كل مرة دأقت والفتاح فتحها عليك. افتكري كل مرة نفسيتك اتقفلت

والمرض النفسي والفتاح فتحها. فتح لك نفسيتك ثاني. افتكر كل فتحة على قلبك. كل معنى فتح به على قلبك. كل فكرة فتح بها

على زهنك - 00:22:47

حلت مشكلة كانت رهيبة في الواقع اللي انت فيه فتش عن الفتح الماضي بتاعك وافتكر كويس اوي. يعني موقف لا انساه ابدا يا

جماعة. كان في اول ايام لي في الدعوة الى الله في حياتي - 00:23:08

في اول ايام واختم بالموقف ده ده اول ايام لي في الدعوة الى الله في حياتي. وكان في مسجد في المنصورة عندنا مسجد كبير كده

على المشاية. اسمه مسجد السلام. وكان في اول ايام في حياتي في الدعوة الى الله - 00:23:22

وكت شاب بقى لسة متخرج كده ويعني ويعني يعني انا ما حدش عارفني اصلا ولا اعرف حد وحت ليلة سبعة وعشرين رمضان

وكان بيصلي حوالي ثلاثين الف شاب وناس من المجتمع كله في التراويح - 00:23:35

المسجد وانا قاعد كده سبحان الله قلت كذا مرة كلمة في المسجد بسيطة بس عادي بقى لا حد عارفني يعني قاعد في حالي كده

وكان فيه داعية كبير المفروض هيجي يقول كلمة - 00:23:50

وانا قلبي متقطع على الشباب الموجودين. ايه الشاب اللي جاي هو والبنت اللي بيحبها وهي تطلع فوق وبعد كده يتقابلوا يخرجوا مع

بعض بعد الصلاة. خلاص بقى يعني كأنهم خارجين في - 00:24:00

يعني والبنت اللي جاية بشعرها وتقوم حاطة الطرحة على البنطلون الجينز وتقوم داخلة مصلية وبعد كده شايلة الطرحة وحطاها

في شنتطتها ثاني الشاب اللي داخل وعلبة السجاير في جيبه. فانا يا رب يا رب انا نفسي اكلهم يا رب. يا رب افتح لي باب يا رب. يا رب افتح لي باب يا رب. ربنا الفتح اللي بايده والله يا جماعة - [00:24:10](#)

قاعد سبحان الله! عدى على اربع ركعات مستني ان الشيخ الكبير يطلع. الشيخ ما جاش طب وبعدين انا مش هينفع اطلع كده بقى وايه ويعني قعدت بعد ست ركعات الشيخ ما جاش - [00:24:30](#)

تمن ركعات الشيخ ما جاش خلاص هيوتره. قمت طالع للامام. قلت له ممكن اقول كلمة قل لي اتفضل قل كلمة. يعني ما فيش مسكت الميكروفون ربنا فتح علي بكلمة كان اسمها لو النبي زارك في بيتك - [00:24:42](#)

كلمة لو النبي زارك في بيتك ولو انت كنت مع الثلاثة والصخرة لما اتقفل عليهم الصخرة ايه العمل اللي انت تخرج به من اللي انا ما اعرفش ربنا فتح علي في الاسلوب - [00:24:57](#)

هو فتح عليها في الاسقاط على معاصي الشباب وفتح علي والله يا شباب والله يا جماعة الكلمة دي انا عرفت بعد كده ان الداعية اللي كان جاي المرور قفل عليه - [00:25:08](#)

سبحان الله! ربنا بيقفل عشان يفتح ربنا عشان يفتح لك ممكن حاجة تتقفل عشان انت ربنا يفتح لك. بعد الكلمة دي فوجئت ان شباب المنصورة كلهم بقوا عارفيني. وان الناس كلها بقت عارفاني وكل واحد من - [00:25:18](#)

الناس اللي كانت موجودة سبحان الله! ايه اللي حصل؟ الفتح يا جماعة الفتح بس ان تصدق الله سبحانه وتعالى. زي ما النبي عليه الصلاة والسلام بيقول وانما لكل امرئ ما نوى. فتش عن الفتح في ماضيك - [00:25:31](#)

فتش عن فتح الله عليك في ماضيك. انت محتاج الفتح بحتاجه اوي اسم الله الفتح اسم بيضمن قلبه يفرح قلبك وبيعلق قلبك بالله وحده وبيوقفك على باب ربنا بس وبيريحك وبيطمعك في ربنا. وفي فتوحات ربنا اللي لو فتح - [00:25:45](#)

يفتح سبحانه وتعالى ان شاء الله باذن الله نكمل الحلقة الجاية مع اسم الله الفتح مع سلسلة انا فتحنا لك عشانك انت من اجلك انت. عشان خاطرك. هو ربنا ممكن يفتح عشانك؟ هو ربنا ممكن يغير الدنيا عشانك؟ ايوة ممكن. امال ربنا قال دي ليه؟ امال - [00:26:02](#)

كلمة لاء دي اللي كلها حنان من الله. كلها تحنن من الله الحنان المنان. سبحانه وتعالى. اللهم افتح لنا ابواب رحمتك. اللهم افتح لنا ابواب فضلك اللهم انا نسألك خير هذا اليوم وخير هذه الليلة. فتحها ونصرها ونورها وبركتها وهداها - [00:26:22](#)

ونعوذ بك من شر ما فيها وشر ما بعدها. اللهم انا نتوسل اليك باسمك الفتح ان تفتح على قلوبنا بالايمان واليقين اللهم انا نتوجه اليك باسمك الفتح ان تفتح علينا من ابواب الرزق الحلال الطيب. اللهم انا نتوسل اليك باسمك - [00:26:42](#)

ان تفتح لنا من ابواب الدعوة اليك ما ترضى به عنا. اللهم اشرح لنا صدورنا ويسر لنا امورنا. اللهم امين. اخواني احبابي في الله نلتقي باذن الله في الحلقة القادمة. سبحانك اللهم وبحمدك - [00:27:02](#)

اشهد ان لا اله الا انت استغفرك واتوب اليك اسماؤه الحسنى تجلت في الوري. فاهتف بها واجعل لقلبك من ضرر انا فتحنا والفتوح فتحنا مبينا ليس فيه تعسرا انا فتحنا والفتوح ميسرة. ميسرة - [00:27:17](#)

اسماؤه - [00:28:02](#)